

DILG: ika-10 ng Mayo ang Huling Araw ng pamamahagi ng Emergency Subsidy Program

Guagua, Pampanga (As of May 7, 7 PM) – Ayon sa Department of Interior and Local Government (DILG), sa makalawa, ika-10 ng Mayo ang huling araw ng pamamahagi ng pinansyal na ayuda sa ilalim ng [Emergency Subsidy Program](#). Pinapaalalahanan ng DILG ang bawat lokal na pamahalaan na sumunod sa itinakdang petsa.

Nagsimula ang pamamahagi ng ayuda noong [ika-9 ng Abril sa probinsya ng Bulacan](#). Tinatayang nasa 88% ng kabuuang bilang ng mga target na mahihirap na pamilya ang nakatanggap ng ₱6,500 sa buong Central Luzon.

Nasa 1,345,079 na mahihirap na pamilya na mula sa mga probinsya ng Aurora (40,287 o 98%), Bataan (76,229 o 78%), Bulacan (370,494 o 93%), Nueva Ecija (352,255 o 89%), Pampanga (237,409 o 81%), Tarlac (187,851 o 91%), at Zambales (80,554 o 89%) ang nakatanggap ng ayuda.

###